



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 19. & 22. lib. Paralip. in quibus describitur
reformatio Levitarum & Judicum, facta à Josaphat. Impii Ochoziæ
misericordia exhibita Joram ægrotani, invisendô eum &c.

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

signum est: illius animam jam certâ quasi spe à Dæmonē captam es-
se. Quare refutatâ hâc futili objectione, argumentum Eccles. tibi ite-
rum propono: non tardes converti &c. ne vanâ fiduciâ cum Asa delu-
sus, pereas.



FASCICULUS LI.

Doctrinarum Moralium & Asceticarum.

Doctrina I.

Desumpta ex cap. 19. & 22. lib. Paralip. in quibus describitur reformatio-

Levitarum & Judicum, facta à Josaphat. Impii Ochozia misericordia
exhibita Ioram agrotanti, invisendō eum &c.

Considera I. **Q**uām salubrem & summè necessariam Superiori- N.340.

bus Judices agentibus, proponat Doctrinam Rex
Josaphat, dum cap. 19. asserit de S. Scriptura:
Precipiens Judicibus, videte ait: quid faciatis? hoc est Lyrano teste: ne præ-
cipitanter, sed cum magna deliberatione sententiam feratis. Quare non absque
notamine Matthæi 5. dicitur: Christum Dominum sedisse, ut teste
Abulensi signaretur hâc sessione maturitas Judicii; quam exigunt Ju-
ra dum volunt, sententias nonnisi à sedentibus ferri. Nautæ Jonam
in mare jaetaturi, et si jam haberent fatentem reum, & petentem: ut
mitteretur in mare; manus tamen ab illo retraxere, antequam solli-
citâ, & scrupulosa indagine quæsissent: quid fecisti? imò jam cognitâ
ab eo gravis inobedientiæ causâ, adhuc morabantur, secundam mo-
vendò quæstionem v. 11. cap. 1. Quid faciemus tibi? tunc demum spu-
mantibus cum procellis ad certum vitæ periculum committunt. Hic
Jonas tertîa die ex faucibus balenæ ejectus, typus est Christi, quem ea
de causa scimus, à Judicibus Hebræis & Pilato damnatum injustè;
quòd nimis præcipitanter in illo Judicio res acta sit, invidiâ senten-
tiæ urgente. Aderant tot clarissima Innocentia testimonia, sed his
omnibûs nullatenus auditis, cæcô impetu & furore conclusum est
ocius:

ociùs: *Moriatur unus &c.* Veros Judices imitari Cytharædos oportet teste Didacô Nyss. lib. 8. c. 3. Hi antequam cytharas animent, singulas probant chordas, an concordent? certi: vel unius chordulæ discordantiâ integrum musicam corrupti. Varia S. Scripturæ loca, quæ Deum ipsum sub forma Judicis adducunt, testantur: Illum descendere, venire &c. quasi verò motu locali indigeat, qui rebus & Personis omnibus intimè præsens est, & cujus oculis teste Apostolô Hebr. 4. Sunt omnia nuda & aperta? verùm hìs terminis ideo uritur S. Scriptura, ut juxta effatum Magni Basili Psal. 32. omnes intelligent; quia ad judicandum requiritur summa attentio, & operum examen; ò Christiane Lector! si Jûdex iste Supremus præcipiti zelô contra te processisset, quas pœnas nunc inter tartareos rogos, aut saltem inter purgantes flamas sentires? disce ergo, imperiis Regis Josaphat morem gerere, si Judicem agis in foro. Aut si tali non fungeris officiô, disce saltem, non præcipitare sententiam temerè judicando ubi aliorum delicta ad tuas devenerint aures.

N.341. Considera 2. Tam præstantis apud Deum Meriti & estimationis esse Misericordiæ charitatisque fraternæ opera, ægrotis impensa: ut inglorium hominis nomen mutent in aliud apprimè gloriosum. Enim verò postquam Ochozias descendit, ut inviseret Joram filium Achab, in Jezraël ægrotantem cap. 22. aliud nomen obtinuit, Azarias appellatus testante græcô textu: *Descendit Azarias de Iudea*, quod nomen denotat Adjutorium Dei, prædicatum plane excellentissimum. Verba S. Hieronymi, hanc miram nominis mutationem notantis, sunt ista; *Idem mutatur ei nomen in melius, eò quidà juxta Præceptum Domini ad visitandum infirmum descendit.* Tam insigne nomen apud coelites habiturus S. Bernardinus: annô supra millesimum quadringentesimô, quando horrenda lues Senis grafflabatur cum foctore propemodùm intollerabilî & plurimorum morte, duodecim adolescentibus ignitâ oratione persuasit, ut se Duce ægrotis totos fese impenderent, quod fecere promptissimè, ut refert Surius 20. Maji in vita Sancti. Par nomen obtentura Placilla Theodosii Imp. uxor, miram ægrorum & mutilatorum curam gerebat: in illorum enim domicilia se conferre, & quâ quisque re indigebat, hanc liberali manu subministrare consueverat. Ecclesiârum hospitales domos circumiens, eos, qui gravibûs morbis lecto affixi erant, curabat. Vide Niceph. lib. 12. c. 42. Taceo stupenda misericordiæ opera, quæ cōdem teste lib. 11. cap. 35. quidam Apol-

pollonius nomine, Nitriæ montem inhabitans, ægrotantibus exhibuit: Nam Ille cùm proœcta ætatis virum ageret, nec litteras, nec ullam artem discere valentem, viginti integris annis se totum curæ ægrorum impendit, omnia, quibūs opus habebant illi, procurare laborans. S. Thomas Angel. Doctor, in 2. 2. q. 30. Subtilem movet questionem de Misericordia: an illa cateris virtutibus præponderet? & affirmativam defendens sententiam, in hæc verba calatum acuit: *Tantò aliqua virtus est melior, quantò facit hominem Deo similiorem: quia per hoc melior est homo, quod est Deo similius.* At hoc maximè facit Misericordia, quia de Deo dicitur in Psalmo: *miserationes ejus super omnia opera ejus.* Christus Dominus Evangelicam perfectionem in suis habiturus discipulis, eis originale proponit imitandum, dicens Matth. 5. *Estat ergo vos perfecti, sicut & Pater vester perfectus est &c.* Verùm ò Christe, Magister optime! dic quæsio: quomodo id continget? ergo humanam exuent natu-ram, induturi divinam? dubiæ quæstioni occurrit Hebreæ phrasis, iuxta quam *Tu sanctum & perfectum idem denotat, ac esse Misericordem.* Vide ergo Christiane Lector Evangelicæ perfectionis Tyro, quām facilis tibi monstretur via, ad illam pertingendi. Stude Misericordiæ operibus, invisendō ægrotos, eos quā factis, quā verbis adjuvandō, & magnis passibūs ibis Evangelicæ perfectionis viam.

Doctrina 2.

Desumpta ex cap. 25. & 29. lib. 2. Paralip. in quibus describitur Amasis Victoria de Idumæis obtenta, Idolorum Cultus &c. Ezechia Pietas.

Considera 1. **Q**UAM ingens exsisterit Regis Amasiæ dementia, dum N.34^z.
S. Scripturâ teste cap. 25. Post cedem Idumæorum & alios Deos filiorum Seir, statuit eos in Deos sibi, & adoravit eos, & illis adolebat Incensum. Clarâ experientiâ didicerat, Deos illos nihil auxilii tulisse Cultoribus suis: quid ergo subsidii Ipse à talibus poterat sperare? Verùm utinam non parem in amentiam prolaberentur plurimi Christianorum! utinam non paris stultitiae tu quoque Lector de te præberes signa! nonne divinâ adjutus gratiâ varia vicisti vitia tanquam hostes tuos: & tamen Idolum illud, quod Mundus in sui perniciem adorat, tulisti, statuens illud in Deum tibi, quem adorares, vanam videlicet gloriam per heroicos virtutum actus quæsitam. ò nova calamitatis
 M m m